

greiðist á þeim gjalddaga, sem til tekinn er í samningnum. Öll rafmagnsgjöld má 18
taka lögtaki.

30. marz

Gjaldskrá þessi staðfestist hér með samkvæmt vatnalögum nr. 15, 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 30. marz 1937.

Haraldur Guðmundsson.

Vigfús Einarsson.

REGLUGERÐ

19

7. apríl

um sjón og heyrn skipstjórnarmanna.

Samkvæmt lögum nr. 104, 23. júní 1936, um atvinnu við siglingar á islenzkum skipum, eru hér með sett eftirfarandi ákvæði um sjón og heyrn skipstjóra, stýrmanna og formanna.

1. gr.

Skipstjórar og stýrimenn á skipum, sem eru yfir 15 lestir, skulu sanna með læknisvottorði, að þeir hafi minnst sjónskerpuna $\frac{1}{4}$ á öðru auga, og hinu auganu minnst $\frac{1}{24}$ án glerja, eðlilega sjónvidd og að þeir geti að minnsta kosti greint grænt ljós frá rauðu ljósi í 6 metra fjarlægð frá Gräfes Fotometer með 3 mm. ljósopi og sé eitt kertaljós í mælinum, svo og að þeir hafi heilbrigð eyru og heyri hvíslrödd í minnst 6—7 metra fjarlægð. Skal í vottorðinu skýrt frá sjónskerpu hvors auga fyrir sig án glerja og með glerjum, og ennfreður með hvaða aðferð litskyggni, sjónvidd og heyrn hefir verið ákveðin.

Vottorð þetta skal endurnýjað á 10 ára fresti.

2. gr.

Formenn á vélbát eða þilskipi 6—15 lesta að stærð, skulu sanna með læknisvottorði, að þeir hafi minnst sjónskerpuna $\frac{1}{8}$ á betra auga, en $\frac{1}{24}$ á hinu, án glerja, eðlilega sjónvidd, og að þeir geti að minnsta kosti greint grænt ljós frá rauðu í 6 metra fjarlægð frá Gräfes Fotometer með 3 mm. ljósopi og sé eitt kertaljós í mælinum, svo og að þeir hafi heilbrigð eyru og heyri hvíslrödd í minnst 6—7 metra fjarlægð. Skal í vottorðinu skýrt frá sjónskerpu hvors auga fyrir sig án glerja og með glerjum og ennfreður með hvaða aðferð litskyggni, sjónvidd og heyrn hefir verið ákveðin.

Vottorð þetta skal endurnýjað á 10 ára fresti.

3. gr.

Nú missir starfandi skipstjóri, stýrimaður eða formaður fyrir slys eða annað, sjón eða heyrn þannig, að hann skortir á að uppfylla þær kröfur um sjónskerpuna eða heyrn, sem gerðar eru í þessari reglugerð, og er þá ráðherra heimilt að veita honum undanþágu til skipstjórnarréttinda áfram, enda liggja fyrir skilríki sérfræðinga, bæði augnalæknis (eyrnalæknis og kunnáttumanna um skipstjórastörf og eftir atvikum vottorð valinkunnra manna, sem nákunnugir eru sjón (heyrn) mannsins og starfssviði hans, er ráðherra metur gild, um að hann hafi eftir atvikum nægilega sjón (heyrn) til að gegna með fullkomnu öryggi þeirri skipstjórnarstöðu, sem um er að ræða, enda skal jafnan binda slíkar undanþágur við ákveðin skipstjórnarstörf.

19

7. apríl

4. gr.

Í sambandi við ákvæðin í 1. og 2. gr. hér á undan skal þess getið, til leiðbeiningar fyrir lækna, að það er handhægt en fullgild sönnun fyrir óskertri litskyggni, ef lesnar eru skekkjulaust Ishiara eða Stillings litskyggnitöflur eða ef litir eru rétt greindir í Nagels litkíki. Sjónvidd nægir að prófa með handaútréttingum á venjulegan hátt, ef læknirinn veit sig hafa eðlilega sjónvidd, og heyrn nægir að prófa með hvisli í tilskilinni fjarlægð.

Reglugerð þessi öðlast þegar gildi og er jafnframt úr gildi fallin reglugerð um sama efni frá 26. janúar 1916.

Atvinnu- og samgöngumálaráðuneytið, 7. apríl 1937.

Haraldur Guðmundsson.

Páll Pálmason.

20

7. apríl

Staðfesting konungs á skipulagsskrá fyrir „Minningarsjóð húsfreyju Guðríðar Sigurðardóttur Línal á Holtastöðum“ útgefin að mandatum af dóms- og kirkjumálaráðherra 7. apríl 1937.

Skipulagsskráin er þannig:

SKIPULAGSSKRÁ

fyrir Minningarsjóð húsfreyju Guðríðar Sigurðardóttur Línal á Holtastöðum.

1. gr.

Sjóður þessi er myndaður af Sambandi Austurhúnavetnskra kvenna til minningar um húsfreyju Guðríði S. Línal á Holtastöðum, er andaðist 11. júní 1932. Stofnfé sjóðsins er að upphæð kr. 600.00.

Sjóðinn má auka með samskotum og áheitum.

2. gr.

Tilgangur sjóðsins er að styrkja fátækar ekkjur í Austur-Húnavatnssýslu með fjárframlögum úr sjóðnum. Má styrkur úr sjóðnum til hverrar ekkju aldrei nema minna en 100 kr. í hvert sinn. Sé engin ekkja til, sem stjórnin telur ástæðu til að styrkja, þá má verja fé því, sem til úthlutunar ætti að koma, til þess að styrkja konur til þess að fara á námsskeið í héraðinu, eða styðja að því, að námskeið verði haldin fyrir konur í Austur-Húnavatnssýslu.

3. gr.

Sjóðinn skal ávaxta í Sparisjóði Austur-Húnavatnssýslu, ef hann vill greiða ½% hærri vexti en af venjulegu innlánsfé, ella skal ávaxta sjóðinn í aðaldeild Söfnunarsjóðs Íslands.

4. gr.

Þegar ársvextir sjóðsins eru orðnir 200 kr. má byrja að veita úr honum. Aldrei má eyða meiru en helming vaxtanna, en hinn helminginn skal leggja við höfuðstólinn, sem aldrei má skerða.